


Vischnaunca Obersaxen Mundaun



**Lescha davart ils
gis da ruaus publics**

Cuntegn

Camp d'applicaziun	art. 1
Gis da ruaus publics, firaus gronds	art. 2
Protecziun dil ruaus public	art. 3
Occurenzas duront firaus gronds	art. 4
Serrada dallas stizuns ed uras d'avertura	art. 5
Excepziuns	art. 6
Disposiziuns penelas	art. 7
Vigur	art. 8

Sebasont sin art. 3 ed art. 7 dalla lescha davart ils gis da ruaus publics dil cantun Grischun (BR 520.100).

Camp d'applicaziun	<p>Art. 1</p> <p>¹ Quella lescha fixescha ils gis publics da ruaus e reglescha la protecziun dil ruaus public duront quels gis.</p> <p>² Resalvadas restan perscripziuns divergentas e cumpletontas ella legislaziun federala e cantunala.</p>
Gis da ruaus publics, firaus gronds	<p>Art. 2</p> <p>¹ Ils gis da ruaus publics ein:</p> <ul style="list-style-type: none">a) las dumengiasb) per il territori dall'antieriura vischnaunca dad Obersaxen e la fracziun da Surcuolm ein ils firaus Daniev, sogn Giusep, Vendergis sogn, Gliendisgis-Pastgas, Anceinza, Gliendisgis-Tschuncheismas, Sontgilcrest, Nossadunna d'uost, Numnasontga, Nadal e sogn Stefan.c) per il territori dalla fracziun da Flond ein ils firaus Daniev, Venderdis sogn, Gliendisgis-Pastgas, Anceinza, Gliendisgis-Tschuncheismas, Nadal e sogn Stefan. <p>² Sco firaus gronds valan il Vendergis sogn, Pastgas, Tschuncheismas, Rogaziun federala e Nadal.</p>
Protecziun dil ruaus public	<p>Art. 3</p> <p>¹ Ils gis da ruaus publics ein tuttas activitads scumandadas, las qualas disturban il ruaus e la dignitad commensurada, il survetsch divin ni che violeschan il sentiment religius dad autras personas.</p> <p>² Ils gis da ruaus publics ein lubidas particularmein:</p> <ul style="list-style-type: none">a) lavurs necessarias en interpresas ch'ein dependentas d'in menaschi permanent;b) lavurs ell'agricultura ch'ein dependentas dall'aura, aschilunsch ch'ei exista il prighel che la raccolta vegn svaletada ni lavagada;c) prestaziuns da survetsch e lavurs, aschilunsch ch'ellas ein necessarias per mantener la purschida turistica;d) lavurs digl agid d'urgenza. <p>³ Ils gis dallas perdanonzas da Gliendisgis-Tschuncheismas (Surcuolm), sogn Pieder e Paul (Meierhof) e la Naschientscha da Maria (St. Martin), eis ei scumandau ell'entira vischnaunca da luvrar sil funs.</p>
Occurenzas firaus gronds	<p>Art. 4</p> <p>Duront firaus gronds lubescha la suprastonza communal occurenzas che surveschan alla sanadad, alla recreaziun, al sport, alla cultura ni al divertiment, sch'ellas cunterfan buc al senn dil firau grond.</p>

Serrada dallas stizuns ed uras d'avertura	<p>Art. 5</p> <p>¹ Stizuns astgan era vegnir aviartas ils gis da ruaus publics ed ils firaus gronds.</p> <p>² Las averturas dallas stizuns ein suttamessas a negia restricziun.</p> <p>³ Las prescripziuns legalas dil dretg superiur, sco p.ex. la lescha da lavur, han da vegnir observadas (organ executiv ei igl inspectorat da lavur dil cantun Grischun).</p>
Excepziuns	<p>Art. 6</p> <p>Sin damonda motivada sa la suprastonza communal lubir excepziuns. Damondas han da vegnir inoltradas sil pli tard 10 gis ordavon ed en scret alla suprastonza communal.</p>
Disposiziuns penals	<p>Art. 7</p> <p>Cuntravenziuns encunter las determinaziuns dils gis da ruaus communalas e cantunalas vegnan punidas cun in castitg denter CHF 100.00 e CHF 500.00.</p>
Vigur	<p>Art. 8</p> <p>Questa lescha entra en vigur immediat cun l'approbaziun entras la radunonza communal.</p>

Approbau dalla radunonza communal il 20 d'avrel 2018.

Il president communal

Sig. Ernst Sax

Il scarvon communal

Sig. Hiazint Brunold